

DISPUTATIO INAUGURALIS
De
**ORIGINE
SUCCESSIONIS
TESTAMENTARIE**

Quam
IN ILLUSTRI ACADEMIA FRIDERICIANA,
RECTORE MAGNIFICENTISSIMO,
SERENISSIMO PRINCIPE AC DOMINO

**DN. FRIDERICO WIL-
HELMO,**

REGNI BORUSSICI, ELECTORATUS BRANDEN-
BURGICI ET PROVINCiarum HEREDE, & reliqua,

PRAESIDE

Dn. CHRISTIANO THOMASIO,
JCTO, S. REG. MAJ. BORUSS. CONSIL. PROFESS. PUBL.
ET FACULT. JURID. p. t. DECANO,

PRO LICENTIA

Summos in utroque Jure honores & privilegia Docto-
ralia ritè capessendi,

Ad d. XV. Aprilis M DCC V. H. L. Q. C.
Solenniter defendet

CHRISTOPH HEINRICH BESEL, Mind.



B. C. D.

DE ORIGINE SUCCESSIONIS TESTAMENTARIAE.

§. I.



E statim in limine impingamus dicendum, quid per Testamentum hic intelligamus. Scilicet simplicissime testamentum denotat declarationem voluntatis nostræ circa successores in bona nostra post mortem nostram, quæ tamen ante mortem pro lubitu nostro sit mutabilis & revocabilis, & ex qua aliis demum ab excessu nostro jus nascatur.^{a)} Testamenta quid?

a) *Pufend. de J. N. & Gent. IV. 10. 3.*

§. II.

Hinc falluntur, qui testamentum dicunt esse nihil aliud, quam alienationem universi patrimonii in mortis eventum ante eam revocabilem, retento interim jure possidendi ac fruendi.^{b)}

b) *Ita Grotius de J. B. II. 6. 14.*

§. III.

Quomodo enim posset in testamento subesse alienatio, cum nihil transferatur vivo testatore in here-

DISPUT. DE ORIGINE

dein, sed testator plenissimum jus in omnia sua bona fine ullâ diminutione retineat; & cum in omni alteratione duorum & rem transferentis & translationem acceptantis voluntates conspirare debeant, quod tamen in testamentis, ubi & post mortem heredi liberum est adire an repudiare velit, fieri non solet. c)

c) Pufendorff. d. l. §. 2.

§. IV.

Quamvis autem hic non excludamus dispositionem de universis bonis, quam in specie testamentum dicere solent Iustiti Romani, quatenus Codicillis opponitur, non tamen eò jam restringimus vocem testamenti, sed & dispositionem de parte bonorum, aut certi bonorum genere, maximè vero immobilium sub voce Testamenti comprehendimus.

§. V.

Intelligimus etiam dispositionem liberam, id est alios successores, quam quos lex vocat, constituentem, unde primariò ad scopum nostrum nequaquam pertinent dispositiones parentum inter liberos bona dividentium, et si inæqualiter, aut, ubi bona sunt indivisia, ut ferè regia esse solent, digniori ex libéris regnum assignantium. Spectabit tamen huc exclusio eorum quos lex vocat seu exhereditatio, etiam à parentibus facta.

§. VI.

Neque etiam huc pertinent donationum mortis causa illæ species, cum quis rem in donatarium transfert, aut eidem relinquit, atque sic donat, ut tamen donationem suspendat à conditione mortis ex instanti mortis periculo imminentis. Hæc enim reverà donatione inter vivos d) est, cum pendente conditione non pos sit

SUCCESSIONIS TESTAMENTARIE.

posit revocari, e) & per abusum saltem ad classem ultimarum voluntatem refertur.

d) Pufend. §. 9. Julianus l. 19. pr. de reb. creditis. l. 2. l. 13. §. 1. de mortis c. donat. Paulus l. 35. per integr. eod. Papinianus l. 42. pr. eod. N. O. l. ult. Cod. eod. junc. Novella 87. Vel enim dicendum, Justinianum exæquasse saltem m. c. donationes legatis quoad effectus, non dixisse, eas esse ultimas voluntates arg. d. l. ult. vel: non intellexisse, quid ipse ageret, adeoque per imprudentiam suam coactum esse ad jicare Novellam 87. & in eâ pro palliandâ suâ imprudentiâ Curiales, quod mortis causâ donationem, dispositiōnem ejus secuti, pro specie ultimæ voluntatis habuerint, fine justa ratione fraudis accusare.

e) Non obstat l. 16. ff. b. t. quæ explicanda erit ex l. 13. §. 1. l. 35. §. 1. eod.

§. VII.

Unde rursus vel ex hoc capite ad præsentem quæstionem non pertinet distributio bonorum inter liberos, vel etiam alios ab ægrotante facta, quia hæc ne quidem mortis causa donatio est, sed potius vera & absolute donatio inter vivos, f) & longe aliud est mortis causa & morientem donare.

f) l. 35. §. 2. de m. c. donat. l. 42. §. 1. in fine eod.

§. IX.

De his ergo testamentis quæritur, an ex jure naturæ ortum ducant? Ubi certè uti nullum est dubium, neminem unquam asseruisse, quod lex naturæ præcipiat testamenti factionem, g) ita etiam nemo unquam opinatus est, testamenti factionem à jure naturæ prohiberi. h) Saltem illud in quæstione est, utrum posito & introducto à genere humano rerum dominio, domini ex natura dominii habeant potestatem res suas relinquendi aliis per modum hactenus definitæ ultimæ voluntatis? i)

A 3

g) Ne

- g) Ne quidem, si prævideat de successione inter suos ri-
xas futuras. Dissent. Pufend. IV. 10. 4. per Jesai. 38. v. 1. Sed
ibi imperativus non habet vim præcepti, sed consilii;
Neque de testamento agitur.
- h) Ut adeo parum convenienter in summaris ad Huberi
Digress. Part. I. lib. 4. cap. 20. positum fuerit: Testamento
de hereditate disponere non esse contraria jus Naturæ.
- i) Adde Pufend. d. §. 4. & 5. ab initio.

§. IX.

Negatur.

Non opus vero est hic multas pro quæstionis ne-
gatione conquirere ratiunculas, sæpe haud bonæ cau-
sæ indices, sed sufficit, quod dominium euidem na-
turâ suâ inferat, ut dominus, quando vivit etiam po-
testatem transferendi juris sui habeat, duraturi etiam
post mortem suam, non tamen natura dominii se ex-
tendat eo, ut hæc potestas transferendi post mortem
domini initium capiat, cum res illæ quarum domini-
um est introductum vivis hominibus inserviant, ad
mortuos autem res humanæ nihil amplius attineant,
adeoque inconveniens sit, ex naturâ dominii homini-
bus potestatem tribuere dominium suum eo momen-
to transferendi, ubi jam omne eorum dominium ex-
piravit. k)

k) Pufend. §. 4. & 6. Illuſtr. Dn. Ordinar. de Cautel. testament.
c. 1. §. 9. Usus est hoc argumento jam Vasquius apud Bacl.
ad Grotium II. 6. 14. p. 233.

§. X.

Atque secundum hanc rationem etiam explican-
dæ sunt assertiones Jureconsultorum Romanorum,
quando testamenta legibus & Juri Civili adscribuntur, et si
minusquam diserte dicant, testamenta non esse juris na-
turalis. l)

l) 120, 130. de P. S. l. 3. qui testament. facere possunt juncta l. s. d.
Jusfe

SUCCESSIONIS TESTAMENTARIE.

Jus. & Jure. Dissent. Huber. d. c. 29. §. ult. in fine. Adde Fernan.
Vasq. de success. l. 1. §. 1. n. 9. seq.

§. XI.

Hoc vero notato non difficile erit rationibus Vi-
rorum doctissimorum dissentientium respondere. Po-
tissimum affertur: Testamentum, et si formam certam
accipere possit à jure civili, ipsam tamen ejus substan-
tiam cognatam esse dominio & eo dato juri naturali:
Posse enim dominum res suas alienare non pure mo-
do, sed & sub conditione; nec tantum irrevocabiliter,
sed & revocabiliter, atque etiam retentâ interim pos-
sessione & plenissimo fruendi jure: alienationem au-
tem in mortis eventum ante eam revocabilem, reten-
to interim jure possidendi ac fruendi, esse testamen-
tum m) &c. Ad ea, si alia deficerent, sufficeret, adno-
tasse, quod per dicta superius n) parum convenienter
hic supponatur, in testamentis esse alienationem ini-
tium vivo testatore capiente.

m) Grotius II. 6. 14.

n) suprà §. 2. & 3.

§. XII.

Sed & istud tamen addi potest: Ubi qualiscunque
alienatio, etiam revocabilis, fit, tale tamen jus in alte-
rum, cui quid alienari dicitur, transferri debet, ut illa
non ex nudo arbitrio alienantis revocari queat. Aliás
enim neque alienans obligationem aliquam contraxis-
se, neque alter jus aliquod acquisivisse potest intelligi,
si hoc duntaxat actum fuit: v. gr. habebis aliquando
rem meam, nisi interea mihi displicerit; quo minus
autem quolibet tempore & nullam quoque ob causam
displicere queat, prohibendi jus non habebis. Talis a-
ctus sane alienatiq dici nequit, cum sit nuda tantum
decla-

declaratio voluntatis, quæ in præsens est, citrā necessitatē in-eā perseverandi ; quæ neque obligationem neque jus parere idonea est. o)

o) Pufend. d.l. §. 2.

§. XIII.

Quod autem addi solet : successionem legitimam esse testamentum præsumptum, h. e. leges de successione ab intestato disponentes respicere primario voluntatem defuncti conjecturis quæsitam, adeoque supponere quasi, testamenti factionem à jure naturæ descendere p) partim supponit id, de quo quæstio erat, partim falsam causam pro vera assignat. Tantum enim abest, ut successiones legitimæ iis in locis ubi testamenta non fuere recepta, sequantur voluntatem testatoris, ut potius huic voluntati metas ponere eamque circumscribere voluerint. pp) Unde meliori jure eadem pro nostrâ, quam pro adversâ sententiâ afferri possunt.

p) Grotius II. 7. 10. 2. & 3.

pp) vide omnino locum Platonis §. 37. lit. n. descriptum.

§. XIV.

Urgent alii dictum Imperatoris : nihil tam naturale esse, quæm ut voluntas domini, rem suam in aliū transferri volentis rata sit. q) Quod uti aperte de alienatione à viventibus facta loquitur, ita ad quæstionem dubiam de alienatione testamentariâ probandam non concinnè affertur.

q) §. 4. de A.R.D. Huber. d.l.

§. XV.

Nec juvat quod additur: Quod si id in quotidianis, ut ibi, contractibus naturali ratione fiat, nulla ratio est cur non æquie suprema morituri hominis voluntate dominia rerum transferantur. Alienandi jus ex pote-

state

SUCCESSIONIS TESTAMENTARIE.

state dominii oritur, quæ in ultimo articulo non minor est quam dudum. r)

r) Huber. d.l.

§. XVI.

Hic enim aperte digressio fit à quæstione, cum jam suprà s) monuerimus, non esse hic debere sermonem de potestate morituri aut morientis, etiam in ultimo mortis articulo, qui ad tempus vitæ refertur, sed quæri de jure & potestate mortui.

s) §. 7. & 9.

§. XVII.

Quod autem subjungitur: Ex hac ratione Plutarchum in Solone, ubi narrasset, illum Atheniensibus dedisse liberam testamenti factionem, appositi addere; eum sic effecisse, ut res sua cuique propria & in plenâ potestate esset, nullo videlicet id alio probans argumento, quam quod eos testari permisisset: t) id si illæ responsiones deficerent, tt) non eo sensu intelligendum est, acsi Plutarchus negare voluerit, plenum etiam dominium esse posse sine potestate testandi, sed quod utique in effectu plenius sit, ubi leges civiles testamenti factionem indulserunt.

t) Huber. d.l. Grotius II. 6. 14. tt) quas vid. infra §. 36. lit. u.

§. XVIII.

Sed etsi Plutarchus id, quod volunt, dixisset, tamen ad nos non attinet, rationibus intentos non autoritatis. Unde non curamus Oratores u) ac JCtos Romanos, x) aut noviores Juris Romani interpretes alias nobiscum sentientes, y) immò in doctrinâ Juris naturalis ne quidem ipsos Imperatores Christianos, z) præprimis cum facile constet ex Historiâ, qui & quæ ex ratione ipsorum nomine sint abusi. a)

B.

u) Quint.

- u) Quintilianus declamat. 308. In more civitatis, in legibus pastum est, ut quoties fieri potuerit, defunctorum testamento fieri. Idque non mediocri ratione. Neque enim aliud videtur solatum mortis, quam voluntas ultra mortem: alioqui potest grave videri & ipsum patrimonium, si non integrum legem haberet: & cum omne ius nobis in id permittitur viventibus, auferatur morientibus. Etsi id probet Pufend. d.c. 10. §. 5. in fine. Credo non ipsum probasse Quintilianum, oratorem videlicet hic agentem, non philosophum. Miscetur ulterius iterum potestas morientis & mortui. Denique miserum mortis solatum, posse disponere in casum, ubi nullum fructum dispositionis max sentio.
- x) Huc pertinent ea, quæ egregius alias JCtus Franciscus Balduinus in Protheoria ad Inst. tit. qui testamenta facere possunt pro commendanda testamenti factione adducit, commendatus propterea ab Hubero d.c. 29. §. ult. Potissima sunt, quod Paulus I. vel. negare 5. ff. quemadmodum testam. aperianur dicat: publicè expedire, supra omnia hominum judicia exitum habere, item alibi I. ex fatto 43. de V. & P. substitut. Inquit enim esse, homini sane mentis admere testamenti factionem. Quamvis etiam si accuratius paulo Pauli verba inspicias, nil quicquam faciant ad sem præsentem, quoniam uterque locus non respicit concessionem testamentificationis sed semel concessæ assentiam à magistratu expediendam, vel restrictionem absque sufficienti causa obmittendam.
- y) Ita Bœclerus ad Grotium II. 6. 14. p. 231. magis de eo est sollicitus, ut Vasquium, rectè adstruentem, testamenta esse à Jure Civili inventa, contradictionis ex aliis quibusdam ejus locis captatis arguat, quam ut sententiam Grotii rationibus defendat aut illustret.
- z) Sic Huberus d.c. 29. §. 1. in fine arbitratur, suam sententiam, quod jus condendi testamenti non modo ex æquitate, sed & ex necessitate naturali dependeat, egregie confirmari ex Constantini L. i. C. de SS. Eccles. Nihil est quod magis bemi-

hominibus debeatur, quam ut suprema voluntatis, postquam aliquid velle non possunt, liber sit stylus & licet quod iterum novum arbitrium. Vide omnino Jacobum Gothofred. ad l. 4. Cod. Theod. de Episc. & Clericis.

- a) Scilicet hâc ipse lege Constantinus occasionem præbuit Ecclesiis, tot opes corradendi, ut hinc Clerici Pontificiorum, qui de animâ moribundi folliciti esse debebant, omne ferè studium impendant, ut sacras morientium meditationes ad profana revocent, &, si aliter non possint, ad disponendum de bonis pro animâ illos inducant, quo citius purgatorio liberentur: cuius lucri si participes ita non fierent, vel de purgatorio sententiam non receperint, vel dudum ei repudium misserint. Verba sunt illustr. Dn. Ordin. d.c. 1. de Cautel. testam. §. 3.

§. XIX.

Quod vero nonnulli testamenti faciendi jus ex doctrina de mortalitate animi deducere amaverint, b) pius quidem est & subtile, sed quod tamen magis somniantibus, quam vigilantibus, quales nos sumus, commentari meretur. c)

- b) Autor Novæ methodi Jurisprudentiæ p. 56. Testamenta nullius essent momenti, nisi anima esset immortalis. Sed quia mortui revera adhuc vivunt, ideo manent domini rerum, quos vero heredes reliquerunt, concipiendi sunt. Procuratores in rem suam.

- c) Alia Philosophia Siracidis est XI. 20. Conf. Luce XII. 20. Pufend. §. 4. in fine.

§. XX.

Solet vero rationi nostræ sententiæ opponi: Eam Negativa sic exponendam esse, ut congruat aliis in favorem ultimorum adversus voluntatum adductis, & ex media ratione ac æquitate naturæ objectiones li petitis sententiis, neque adeò extendendam esse. d) Sed defenditur. mallemus, ut qui hæc dicunt, eam conciliassent, cum ipsam

2 DISP. JURID. DE ORIGINE

ipsam rationem negare nequeant, sed saltem crudam vocent, quoniam videlicet cum suis sententiis ex media scilicet ratione petitis eam concoquere nequeant. Et quomodo nobis injusta rationis illius extensio opponi posset, cum ea nec latior nec angustior sit quæstioni propositæ.

d) Bacler. d.l.p. 233.

§. XXI.

Jam autem minoris momenti sunt quæ sequuntur: *Etiam alios contractus & pacta dari, ubi translatio dominii ita fiat, ut effectus in casum mortis alterius conferatur, in quibus tamen repugnantiam cum jure naturæ nemo incusat: & facultatem disponendi de re sua, quam juris esse naturalis concordant omnes, vel maximè postulare, ut quod absolute & statim alienare poteram, cum conditione etiam queam alienare, & in casum mortis ubi non indigeam amplius.* Nam hoc est extendere non extendenda, & à contractibus atque actibus inter vivos argumentari ad ultimas voluntates toto cœlo diversas. Ut taceam, mutari statum quæstionis, dum mentio fit repugnantiae cum jure naturæ, de quâ non est quæstio per dicta ab initio, dd)

dd) §. 8.

§. XXII.

Subodorati hanc responsonem dissentientes regesserunt nonnulla, sed spongiam non refutationem merentia: Scilicet: *non tantum Philosophorum rationem ferre, à potestate naturali contrabendi de rebus suis & dominium earum transferendi, ad testamenti ex jure naturæ originem deducendam procedere, sed jurisconsultis quoq; familiare esse ab ultimis voluntatibus ad conventiones & pacta & ex converso argumentari, ob communem efficientia, qua cernitur, rationem.* Neque enim Philosophum novimus, neq; JCtum extra

SUCCESSIONIS TESTAMENTARIE.

extra partes positum & eruditum, qui eam argumen-
tationem approbet.

§. XXIII.

Ab hac tenus ventilatae quæstionis decisione pen-
det affinis de jure seu moribus Gentium. Ut enim, ^{Non à plus-} ^{rimis sed} qui testamentorum originem ex jure naturæ dedu- ^{paucioribus} ^{Gentibus te-}
cunt, simul afferunt, plerisque Gentibus jura testa- ^{mentorum} ^{stamenta}
mentorum fuisse commendata, ac paucioribus saltem ^{recepta fur-}
ob rationes reipublicæ particulares eadem displicuis- ^{isse.}
se; ita qui nostram sententiam tuentur, rectius rem in-
vertunt, & plurimi gentibus exceptis paucissimis i-
gnorata fuisse testamenta adstruunt.

§. XXIV.

Patet autem utrobique ad exempla ex Historicis Monitoge-
petita esse respiciendum, ubi tamen quædam prius in neralia de
genere monenda sunt. Nam qui sententiam hac tenus
oppugnatam defendunt ferè exempla adducunt à statu
quæstionis aliena, videlicet ubi as signatio hereditatis
paternæ vel etiam regnum inter liberos facta, aut si
extraneo quid relatum, ubi per mortis causa donatio-
nem inter vivos id factum est. e)

e) Aliena esse hæc exempla patet ex §. 5. & 6. Talia autem
sunt pleraque à Grotio adducta. I. 3. 12. se & I. 4. de Hercu-
le Sparta bello captæ imperium Tyndareo dedente,
hac lege, ut si quos ipse Hercules liberos relin-
queret, iis restitueretur: de Dario, regnum Artaxerxi,
Cyro civitates quarum præfectus erat, testamento le-
gante. Item II. 6. 14. in notis de Telemachi donatione
mortis causa ex Homero, relatâ etiam Triboniano §. 1.
Inst. de Donationibus. & de simili donatione Herculis apud
Euripidem in Alcestide (vide Pufend. IV. 10. §. ult.) quas
donationes quidem ad testamenta refert Grotius, nos
rectius secundum §. 6. ad actus inter vivos. Huc per-
tinet B. 3.

tinet etiam exemplum Cyri apud Xenophontem l.8. *Cyropæd.* filiis vivâ voce asignantis quid quemque exfortunâ patriâ maneret. Quanquam & à viris eruditis sit ostensum, Cyropædia hanc Xenophontis non veram historiam continere sed fabulam Heroicam.

§. XXV.

Deinde non pertinent ad quæstionem de origine testamentorum exempla earum gentium, quæ amore vel obsequio ergo Romanos post introducta ab his testamenta eos heredes instituerunt. f)

f) Unde nihil ad rem faciunt exempla illa, quæ Grotius affert d. §. 12. secl. 5. & 6. inter quæ præcipuum est, quod cum Attalus rex Eumenis filius populum Romanum testamento bonorum suorum heredem fecisset, populus Romanus sub bonorum nomine etiam regnum complexus fit. Nolo hic disquirere, an bonâ fide hic egerit populus Romanus & voluntatem Attali ex regulis bona interpretationis explicaverit, cum hoc à scopo nostro jam sit alienum,

§. XXVI.

Item de exemplis eorū, qui aliás ad nostram sententiam inclinant, multa exempla afferre solent, unde appareat, voluntates ultimas impunè negligi posse à viventibus, aut etiam neglectas fuisse, cuius rei argumento fit, quod antiquissimi suos ad ultima mandata observanda jure jurando adstringere consueverint, velut nullo humano vinculo satis valido. g) Præterquam enim quod hic pleraque exempla loquantur non de dispositione bonorum, sed de factis aliis, adeoque ab hoc loco sint aliena, poterat etiam alia ratio addi juramenti exacti, quod videlicet vana alias censeretur circa ejusmodi facta dispositio, quam tueri autor non posset, reliqui, qui poterant, nollent, cum nullum interesse haberent. h)

g) vide

g) Vide talia apud Pufendorff. d. 1.4. c. 10. §. 4.

h) quam rationem etiam ipse Pufendorfius d. l. admittit.

§. XXVII.

In specie vero quod singulas Gentes attinet, cum *Testamenta* antiquitates Gentium nonnisi ex scriptoribus sacris, *ta Hebreis* Græcis & Romanis hauriendæ sint, distinctius jam de *non fuisse* populo Hebræo, Græco & Romano videndum est. Et usitata in Hebræo populo initio de temporibus ante Mosen.

§. XXIX.

Equidem si putidissimas fabulas nobis imponere patremur, credendum esset, Noachum per testatum totum terrarum orbem inter tres filios distribuisse, idque in scriptis redactum filiis recitavisse atq; ob-signatum id secum retinuisse usque ad annum ab Adamo 2592, ubi moribundus id Semino dederit, utpote primogenito & pietate insigniori. i) Sed hoc æque verum est, ac alterum, quod alii pii patres sibi persuaserunt, filios Noæ jecisse fortes in urbe Rhinocolurâ de divisione orbiis; aut Noam orbe terrarum diviso in tres filios, eos sacramento adegisse, ne quis in fratribus sui soritem invaderet. k)

i) Ut ex Eusebio & Cedreno refert Seldentius de Success. in bona defunct. ad Leges Ebræorum c. 24. p. 82. & sine nota quidem, quod miteris.

k) Ex Epiphanio has nugas refert Bochartus *Geograph. S. lib. 1. cap. 16.* rectè monens, ineptum esse dicere, quod Noe inter filios orbem diviserit, cuius multo maxima pars nondum erat cognita; simulque acriter taxans Philastrium Brixensem, hæreticos declarantem, qui hâc de re dubitare auderet. *Conf. Heidegger. Histor. Patriarch. Tom. I. Exerc. 22. §. 9.* Facile autem patet, occasionem somniis istis dedisse traditionem Josephi, absque fundamento afferentis, à tribus filiis Noachi tres orbis partes Europam, Africam

DISP. JURID. DE ORIGINE

fricam atque Asiam fuisse occupatas. *vid. Heidegg. d. I. §. 14.* Huic errori vero ansam dedit alius error veterum Geographorum, terram non ut globum sed ut globi dimidiam partem mari innatantem sibi concipientium. *Vide Clarissimi Cellarii nostri Geographiam antiquam ab initio.* Quare frustra tentarunt novioribus temporibus aliqui traditionem Josephi sic emendare, quasi Semō præter Asiam etiam America cesserit & à nepotibus ejus, nominatim à Jobab & Ophir filiis Joctanis possessa sit. *Heidegg. ibid. §. 15.*

§. XXIX.

Solent his eruditiores ad Abrahamum provocare: quasi hic, si sine liberis decessisset res suas testamento relicturus fuisset Eliezeri, *l)* sed cum nulla id urgeat ratio, verius est, dictum Abrahāmi intelligere de adoptione procuratoris sui in filium, si filium non fuisset natus, *m)* vel de futura assignatione & traditione per actum inter vivos.

l) Genes. XV. 3. Grotius II. 6. 14. 1. Pufend. IV. 10. 5. Seldenus d. cap. 24. p. 80.

m) Heidegg. Part. 2. Exerc. 3. §. 30.

§. XXX.

Quod vero idem Abrahamus legitur bona sua inter Isaacum & reliquos liberos ex uxoribus secundariis, vulgo concubinis, genitos inæqualiter distribuisse, *n)* id miror à plerisque inter species aut exempla testamentorum referri, cum sit revera translatio inter vivos tempore mortis facta, de qua tamen hic non disquiritur. *o)*

n) Genes. XXV. v. 5. 6. Fabulas Judæorum circa hunc locum, ac si Abrahamus Magus fuerit, & liberis reliquis impiros spiritus loco munerum donaverit, refert & refutat Heidegger d. Exercit. 3. §. 65.

o) Conf.

SUCCESSIONIS TESTAMENTARIE.

o) Conf. Pufendorff. IV. 10. 5. Eadem est responsio ad Genes. XLVIII. 22. allegatum Pufend. ibid. ubi Jacobus memorat terram, quam Josepho dederit.

§. XXXI.

Quando autem mentio fieri solet, potissimum à Theologis Testamentorum Isaaci, Jacobi, *p)* item XII. Patriarcharum *q)* tūm vox testamenti in sensu laxiori usurpari solet, pro benedictionibus & vaticiniis, quæ ægrotantes Patriarchæ paulo ante mortem prolocuti sunt: quanquam de testamento XII. Patriarcharum constet insuper, id esse fabellam à Clero Pontificio *r)* ex pio, *s)* an astuto, *t)* consilio inventam.

p) Ita Heideggeri Exercitatio XIV. Partia II. titulum habet de Testamento Isaaci seu benedictione Propheticâ filiorum ejus: item Exercit. 23. de testamento Jacobi seu benedictionibus propheticis duodecim Patriarcharum.

q) Testamentum XII. Patriarcharum seu filiorum Iacob tantum continet monita, historias, gnomas, nullib[us] bonorum seu possessionum legata complectitur. Seldenus d. cap. 24. p. 82.

r) Invenerat hunc libellum Athenis quidam Archidiaconus Leucestrensis, & Episcopo Lincolniensi id indicaverat, ac ex Græco in Latinum transtulerat, unde Pontificii scriptores hunc libellum nonnihil estimare solent, tanquam cuius mentionem jam fecerit Origenes, & in quo multa vaticinia de Christo & ejus passionē continēntur, & qui adeo à Judæis ex invidia fuerit suppressus. Sed rectius judicant Protestantes: quod undique hic liber insultatem suam prodat, quodque à Græculis quibusdam Monachis confictus sit, adeoque non futuramente nunciet, sed præterita saltem prædicet. Vide Selden. d. I. Heidegger. Part. 2. Exerc. XVIII. §. 37.

s) Ita Heideggerus d. L putat, Christianos veteres, qui piis fraudibus Christianismum subinde commendabant, hunc librum

DISP. JURID. DE ORIGINE

librum supposuisse, ut Judæos, apud quos maximæ semper autoritatis fuerint XII. Patriarchæ suas in partes pellicerent, haud sicut ac Sibyllarum oracula Gentilium convertendorum gratiâ iidem interpolaverint.

t) Quæ sententia mihi videtur verosimilior. Ostendit enim Seldenus, intendisse Autores, ut per svaderent Laicos ex ipso hoc Pseudotestamento, quod Sacerdotium præferendum sit regno, aut ut hodie loqui solemus, quod Papa sit super Reges, & Clerici super Laicos. Notabilia eam in rem sunt verba ex Testamento Judæ: *Et nunc filii, diligite Levi, ut permaneatis, & non effaramini supra ipsum, ut non dispereatis. Mibi dedit Dominus regnum, & illi Sacerdotium, & subiecit regnum sacerdotio, --- Mibi dedit, que in terra, illi, quæ in Cœlis. Ut supereminet cœlum terræ, ita supereminet Dei sacerdotium regno, quod est in terrâ.* Atque exinde simul patet falsitas istius suppositionis, cum apud Hebræos totum genns Sacerdotale non solum Regibus, sed etiam Synedrio magno fuerit subiectum. Plura de hoc testamento pro confirmanda nostrâ sententiâ vide in Bibliothecâ selectâ solidè inter paucos eruditos nec Clericizantis Clerici Tomo IV. artic. 9. p. 342. seq.

§. XXXII.

Lege Mosaicâ tantum abest, ut testamenti factio fuerit permissa, ut potius claris verbis successio solum legitima fuerit præfinita. ii) Quin & in ipsa etiam assignatione bonorum inter vivos potestas parentum fuit restricta, ut nechic de universis bonis: x) uni filiorum plus quam leges permetterent, potuerint donare. Adeoque valde mirandum, quomodo viri eruditî sibi persuadere potuerint, quod testamenta Hebræis fuerint usitata. y)

ii) Numer. XVII. vers. 8. seq. Conf. Selden. d. cap. 24. init.

x) Deuteron. XXI. vers. 16. 17. ubi universorum bonorum sit mentio, ut adeo minus dicant, qui statuunt, apud Hebreos te-

SUCCESSIONIS TESTAMENTARIAE.

os testamenta parum frequentata fuisse, & successionem in bona immobilia apud Hebræos fuisse legitimam. vid. Dn. Hert. Elem. Prud. Civ. Part. 2. Sect. 2. §. 53. n. 1.

y) ut Grotius II. 6. §. ult. in notis in fine, præprimis cum ad allegatum locum ex Deuteronomio provocet. Nam quod insuper ex Siracidis capite 33. versiculum 25. adducit, pa- rum ad rem facit, cum iste versiculus ex lege Mosaicâ sit explicandus. Adde Ezech. cap. XLVI, v. 16. 17. 18.

§. XXXIII.

Quod vero Rabbini noviores certo respectu ex heredationem liberorum seu fratum, z) permittant, id ad contortas eorum legis Mosaicæ a) explicationes pertinet, quibus totam legem Mosaiicam corruerant; b) ut adeo non mirandum, quod has testamentarias dispositions ultra Jubilæi tempora etiam extenderint c) cum tamen ulterius nec alienations inter vivos vale- rent. d)

z) ut sc. non valeat exhæredatio simplex v. g. Filius meus exhæres esto inter fratres suos, sed valeret tamen, si ali- us esset institutus, exhæredatio tacita v. g. Ruben filius meus hæres mihi esto ante omnes filios meos, aut, suc- cedat mihi solus. Modo tamen fiat à moribundo. Nam voluntas moribundi ex ipsa duntaxat vocis vi ceu è te- stamento sine scriptis rata habebatur; corpore vero sa- nus sine traditione rem ritè non alienabat. Nomine vero donationis licitum habebatur domino sive sano, si- ve ergo libere patrimonium quocunque alienare, atque sic per consequentiam, etiam liberos exheredare. Seldenus d. c. 24. v. 79. 80.

a) Quod exinde patet, quod probare velint, hanc liberam heredem ex filiis pluribus institutionem ex allegato loco Deuteronomii, verbis: *advenitque dies, quo divisurus es hereditatem filiis suis,* cum tamen, ut modo ostensum, ex illo loco & verbis ibi sequentibus potius contrarium pro- betur.

betur: quare & locum Siracidis modo adductum eo torquent. *Seldenus d. l.* Hinc nullum dubium, Grotium ab Hebræis istis doctoribus fuisse deceptum. Monendum etiam hic est obiter, Seldenum in libro sapientis citato de successione in bonâ defuncti ad Leges Hebræorum, pro more suo saltem recensere sententias Rabbinorum, non vero disquirere, utrum recte talia statuant an minus. Ut adeo quilibet lector judicium ipse afferre debeat, nec putare, Seldenum, dum non contradicit, omnia approbare. *Conf. superius* §. 29.

- b) quod docent frequentes disputationes Christi cum Phariseis.
- c) *Seldenus ibidem* p. 81.
- d) *Levitici* XXV. 10.

§. XXXIV.

Apud Graecos de aliis satis. Graecos quod attinet, conatus stat, præcipue laudatos Graecos legislatores, Lycurgum populis quā & Solonem diversi mode plane ordinasse Respublik Athenien. cas suas. Ille enim Lacedæmonios suos noluit testamento condere, e) hic Atheniensibus testamentifaciatur, testationem permisit. f) At de reliquis Graeciaæ populis onem fuisse dissensus est; quidam solis Atheniensibus testamenti factionem in usu fuisse asserunt, g) alii contra nullā magis in re consensisse Graecos, quam in jure testamentifactionis arbitrantur. b) Sed prior sententia vero similior, quia de testamentis aliorum populorum non legitur i) & posterior sententia probatione valde dubiâ nititur. k)

- e) Non quod diserte testamenti factionem prohibuerit, sed, quod omnem Lacedæmoniis potestatem alienandi etiam inter vivos ademerit, dum septem Spartiarum millibus, qui tunc in urbe censi fuerant, ac duodecim rusticorum millibus agrum Lacedæmonum ex aequo divi-

divisisset. Quin etiam agros Spartiarum qui urbani cives erant, ac cæteris dignitate præstare videbantur, in plures aut pauciores partes dividi vetuit, sed primogenito cujusque familiæ aut proximo cuique agri partem unam è septem millibus concedi jusfit, ne ab uno plurium hereditates cœnerentur. *Plutarchus in Lycurgo*. Cæteris autem Spartanis, si plures septem millibus in civitate præcrearentur, nihil agri tributum erat. Nam regi Agesilao, quod primogenitus non esset, nihil a grī Spartiaci obvenerat quousque Lotychides de jure primogenitura depulsus est. *Plutarchus in Agesilao*. Bodinus de Republ. I. 5. cap. 2. p. 833.

f) *Plutarchus in Solone*.

g) *Bodinus d. l.*

h) Ita Francisc. Balduinus r. 29. ad LL. XII. Tabb. ab init. ad Isocratem ut testem provocat, quod in Æginetico doceat, nullâ in re magis consensisse Graecos, quam in jure testamentorum.

i) Adde quod Plato, dum testamentifactionem improbat (vide infra §. 37. lit. o.) nullius alterius populi quam Atheniensium mentionem fecerit, apud quos testamenta valeant.

k) Etenim Isocrates id quod Franciscus Balduinus ex eo excerpit, diserte non dicit. Casus Æginetici est. Trafylochus Ægineta amicum suum optime de se meritum adoptarat, heredem in testamento instituerat, & in matrimonium sororem dederat. Eandem hereditatem Trafylochi soror notha ratione propinquitatis sibi vendicabat & testamentum rescindere conabatur. Est igitur oratio illa ab Isocrate conscripta pro herede testamentario. Et mentio ibi fit p. m. 757. legis Æginetarum ad cuius præscriptum testamentum faciendum fuerit. Queritur orator p. 767. adversarios non negare testamentum a Thrafylocho esse factum, negare vero,

DISPUT. DE ORIGINE

esse benè & rectè factum. Additur enim p. 771. Thaſylochum illum, quos ipſe voluerit hæredes instituisse: Aeqvum vero esse, idem jus à reliquis concivibus ei relinqui &c. & p. 773. Debere Æginetas legem defendere, per quam & liberos adoptare liceat & de re familiari proprio arbitratu statuere, cum facile intelligent, legem hanc orbis esse liberorum loco. Denique paulo post & circa finem orationis concludit: *legem Græcis omnibus probatam, huic testamento suffragari.* Haud dubiè hæc ultima verba seduxere Balduinum, ut putaret, Isocratis hanc mentem esse, quasi lex testamentifactionem permittens omnibus Græcis probata sit, cum tamen verba Isocratis æque secundum contextum intelligi posint de potestate adoptandi, & illo intuitu profuso arbitratu adoptatis hereditatem relinquendi. Accedit quod Isocrates diu post Solonem vixerit. Adeoque eti post Solonem reliqui Græciæ populi ad imitationem Atheniensium testamentifactionem etiam receperint, uti Romanos hac in re multi postea imitati sunt, tamen ad nos ea r̄es non pertineret, de origine testamentorum & adeo de temporibus ante Solonem sollicitos. Ut taceam, dubium adhuc esse an tota illa oratio Isocratis loquatur de testamento propriè dicto quod demum effectum post mortem habere incipit, & annon illa ipsa dispositio, de quā ibi agitur, potius secundum traditā superius, ad actus inter vivos sit referenda. Sane ipſe Isocrates cum casum refert p. 757. eum ita concludit. *Ingravescente morbo Thraſylochus, cum jam nullam vite ſpem haberet, testibus ad vocatis me adoptavit, & cum ſororem tum facultates suas mibi dedit (edwne.)*

§. XXXV.

*Imo & a-pud Atheni-nes testa-
tator* Neque tamen Solon testamentifactionem Atheniensis introducens eam voluit esse plane liberrimam, sed ita demum eam indulxit, si liberi deficerent, & si te-

SUCCESSIONIS TESTAMENTARIE.

ſtator ſanementis fraudulentis persuasionibus ad tementi factum condendum non inductus fuerit. ^{l)} In etio non terim ex dictis appetat, praeter hos caſus testamenti-plane fuit factiōnem Atheniensium ſatis liberam & indeſinitam libera- fuiſſe. ^{m)}

1) Plutarchus in Solone rem in hunc ſenſum effert. Probatur etiam ejus lex de teſtamentis. Etenim antea ea non erant licita, ſed penes defuncti genus pecunias & domum remanere oportebat. Hic vero liberum fecit, liberis non existentibus, cuicunque viſum eſſet, ſua donare, amicitiamque propinquitati & gratiam prætulit neceſtati, efficitque ut pecunia, quorum eſſet, in eorum etiam potestate foret. (vel ut alii: pecunia integrām poſſeſſionem Dominis tribuit.) Nec temere tamē, aut ſimpliciter dari, indulſit, ſed ſi non per morbum, pharmacumve, neque vinculis aut neceſtate conſtrictus, vel uxoris blanditiis inductus eſſet. Reſtē admodum & conuenienter iudicans, nihil interreſe diſcriminis, perſuadeaturne alicui ſecus, quam expediāt, an vero iſi cogatur: eodemque numero habens fraudem, cum neceſtate & voluptatem cum moleſtia, quod in prævertenda hominie ratione tantundem ueraque valerent.

m) Nec obſtat, quod Plutarchus etiam morbi mentionem faciat teſtamenti factiōnem impediens, adeoque innuere videatur, Solonem voluisse, ut teſtamenta deberent fieri ab hominibus non decumbentibus, ſed quibus mens eſſet ſana in corpore ſano. Etenim contextus oſtendit, quod Plutarchus intelligat, faltem Solonem voluisse, ne illorum teſtamenta valerent, quibus morbus aut medicamentum vel venenum, quod ſtati morbo jungitur, rationis uſum turbaverit. Et aperte Plato in loco mox adducendo Solonis legem de teſtamentis à moribundis conditis intelligit. Quamvis Platonis explicatio, non magna ſit autoritatis in expoñenda mente Solonis obrationes mox dicendas. Magis

DISP. JURID. DE ORIGINE

gis ad sententiam nostram facit alius locus Plutarchi ex quæstionibus ejus Romanis adductus à Meursio in Solone cap. 17. Solon legem tulit, ut donationes mortuorum ratae essent, nisi quis aut necessitate coactus aut ab uxore persuasus fuisset. Vides hic nullam limitationem à statu morbi peti. Confer pluribus ex variis locis Demosthenis & Isæi Meursium in Themide Attica lib. 2. c. 13.

§. XXXVI.

Si modo Solon testa- Illud tamen non sine ratione dubitari posset; an Solonis hæc lex, ut communiter exponi solet, loquacitatem faciat de vero testamento, prout id supra definitivimus, etiam in rationem veram saltem de testamento impropriè dicto, scilicet donationem à moribundis quidem facta, sed quæ tamen duxit. Nam si hoc vim haberet donationis inter vivos. n) posterius foret, testamentum esset purum putum inventum Romanorum, adeoq; multo magis decepti forent, qui sibi & aliis persuadere voluerunt, testamenta fuisse à plurimis gentibus usitata. Sed nolumus tamen in istas angustias redigere dissentientes, inducatur, ut per nos Solon testamenti factionem veram introduxerit.

n) Sanè autores qui de hac lege Solonis loqvuntur, quorum loca collegit Meursius in Themide Attica, exhibent ejusmodi voces, quæ etiam post inventam testamentificationem utramque significationem admittunt, v. gr. διαβήν, δέναι, διαθέσαι, δόσις. Neque adeo termini attendendi sunt, qui ab interpretibus, quibus testamentificatione Romana in mente fuit, sunt adhibiti. Ita interpres Demosthenis in oratione ad Leptinæm. Solon legem tulit, ligere, si liberi non sint legimi, quemvis heredem instituere. Sed in textu est δέναι τὰ ἑαυτά. Imo, nisi me omnia fallunt, graviter pro ista sententia videtur pugnare locus Plutarchi in Quæstio-

SUCCESSIONIS TESTAMENTARIAE.

nionibus Romanis, à Meursio in Themide Attica pleniū adductis quam in Solone. Quemadmodum Solon, qui legem tulit, ut donationes mortuorum (τελευτών) mallem igitur vertere morientum aut moribundorum. Nam contextus ostendit, donatores de quibus agitur hic, non considerari ut mortuos, sed qui à gravi morbo item convaluerint) ratae essent, nisi quis aut necessitate coactus, aut ab uxore persuasus exceperet, necessitatem vim inculisse, aut voluptatem in errorem induisse. Vides hic ipsum testatorem, qui necessitate coactus aut ab uxore persuasus erat conventum fuisse, ut dispositionem effectui daret. Quodsi igitur de verâ testamentificatione disposuisset Solon, quid opus fuisse, ut testator conventionis exceptionem dolî vel metus opposuisset, cum sanè ipsa naturâ testamenti ante mortem nullum effectum habentis, fuisse liber. Accedit, quod hoc patet si exponamus Plutarchum, commodum sensum accipiat ejus hâc de lege Solonis additum judicium: οὐκέτα τῶν ἐχόντων ἐπίοιησεν, quod ita efficerit, ut pecuniae das Vermögē possessorum propriæ essent, cum alias si de vera testamentificatione eum intelligas vel inconveniens sit hoc ejus judicium ob dicta §. 9. 10. 17. vel certè sensu non ita commodo exponi queat. vid. §. 16. Scilicet, (ne opponas: istam nostram explicacionem ideo esse parum aptam, quod ita Solon nihil novi disposuisset, cum & antea haud dubiè illi, qui nullos liberos habuerint, de rebus suis inter vivos potuerint disponere) supponendum est, vel Atheniensibus antea de bonis suis non magis licuisse disponere ac Lacedæmoniis, vide §. 34. lit. e. vel etiam, id non licuisse, saltem moribundis, quamvis prior explicatio sit magis conveniens menti Platonis, ut qui statim subjungit, quod antea defuncti opes domumque penes generes proximos manere oportuerit, ut de Judæis diximus §. 32.

§. XXXVII.

Censura censura Platonis de Solonis lege. Etsi vero hæc Solonis lex Platoni valde disdiscuerit, o) hujus tamen viri censura, uti alias in doctrinâ civili parum attendenda est, p) cum ejus præcepta politica cerebrum suavibus insomniis repleant, ita hoc loco eo minus assensum meretur, quo apertius est, eum vel oblitum esse, quid Solon eâ de re disponuerit, vel studio Solonis mentem ad alienam traxisse sententiam. q)

o) Est is locus lib. XI. de Legibus f. m. 969. Horum omnium initium est, eorum quidem, qui mortui sunt, ut libuit, testandi cupiditas, eorum vero, qui nihil testati sunt fortuna. Nam multa singuli, diversaque, & inter se, ac legibus & viventium moribus, majoribusque suis contraria properè testabuntur, si quis statuet, quodcunque testamentum in fine vita conditum fuerit, id omnino fore inviolatum. Stulta enim & abjectâ morositate fermè omnes premuntur, quando morituros se jam arbitrantur. CLIN. Quomodo id ait, hospes? ATHEN. Difficilis quedam res est, ô Clinia, homo jam moriturus, hisque verbis frequentissimè utitur, qua legumlatores terrent atque fatigant. CLIN. Quomodo iſtud? ATH. Nempe, cum velit suorum omnium esse dominus, hæc solet, & quidem cum irâ dicere. CL. Quenam? ATH. Grave est, inquit, nimium ô Dii, si mea mibi non licebit, cuicunque volo relinquere, & altis plura, alias pauciora, prout erga me boni malive liquido inventi sunt, tum in morbo, tum in senio, tum in aliis fortunis meis sufficienter comprobavit. CL. Annon recte tibi, Hospes, loqui videntur? ATH. Prisci legumlatores, ô Clinia, molles fuisse mibi videntur, & ad id, quod in humanis negotiis minimum ac vile est, in ferendis legibus respxisse. CL. Quenam pæcto? ATH. Illis morituri hominâ verbis, ô optime Vir, commoti legem illam scripsierunt: per quam licet, cuique, ut cunque velit simpliciter sua disponere. Ego autem & tu in civitate tua morituris commodius respondebimus. CLIN. Quomodo?

Quomodo? ATH. O amici, dicemus, ac brevi proculdubio morituri, difficile vobis est, res vestras, atque etiam vos ipsos secundum Delphicam inscriptionem cognoscere. Ego qui leges condo, nec vos vestros esse arbitror, nec rem familiarem hanc omnem esse vestram, sed totius vestri generis præteriti atque futuri, multoque magis universa civitatis, & genus omne & divitias esse. Hæc cum ita sint, si quis assentiuculis in morbo & senio vos aggressus præter honestatem testamentum condere persuaserit, nunquam id fieri, sponte concedam, sed quod civitati universæ, generique conferat, considerans, ita leges conscribam, ut singulorum commoda minoris, quam cunctorum, ut par est, estimem. Vos igitur mites ac benevoli nobis itemodo, quo naturæ humana vos necessitas vocat. Nobis autem reliqua vestra curæ erunt, qui non aliis magis, quam aliis rebus studemus, sed omnium æquè pro viribus curam gerimus.

q) Athen. dipnol. I. II. c. ult. Ineptum Platonem indefuisse patet, quod, cum illustres apud Athenenses tres Legislatores fuerint, Draco, Solon, & ipse Plato, illarum leges cives observaverint, Platonis vero nibili fecerint, ac irriferint. Sc. Videlur sane Plato non hominibus, qui ubivis sunt, leges praescribere, sed iis, quos imaginatione finxit, ut, qui legibus iis pareant, perquirendi sint. Sc. Josephus lib. 2. contra Appionem f. m. 869. Platoni dicit à præstantibus in civili prudentiâ viris perpetuo illudi, eumque cavillis Comicis traduci. Polybius lib. 6. historiarum Platonis Rempublicam cum Spartanorum, Romanorum & Carthaginem rebus publicis conferens, illam statuæ eleganti arte confectæ, has cum vivis & spirantibus hominibus comparat. Dissidentium rationibus satisfieri potest in congressu. vid. Dn. Hertii Elementa prudentiæ civilis Pædia, S. II. Gregorius Nazianzenus in Oratione ad Heronem f. m. 183. non sine causa irridet Platonis rempublicam, quod solo sermone (an potius meditatione) composita & ita ens rationis

tionis sit. Et alibi dolet, quod Platonice facundiae incantamenta in Ecclesiam irruperint non secus ac flagella quædam Ægyptiaca, in oratione de modestia in disceptationibus f. m. 178. seqq. Quamvis enim Plotinus Philosophus Platonicus voluerit leges reipublicæ Platonicæ in praxin deducere, eumque in finem suaferit imperatori Galieno, ut in Campania urbem aliquam restaurari curaret, ipsique cum territorio vicino donaret; Consiliarii tamen Principis stultitiam hominis sensibiliiter cognoscentes, id consilium impediverunt, laudandi propterea, quod non permiserint, ut Imperatoris autoritas plebi prostitueretur, & risui omnium exponeretur, quamvis amici Plotini malitia Aulicorum & invidiæ id impedimentum adscribant. *Vide acutissimi Balii dictianar. Critic. in Plotino.*

q) Patet id evidenter ex collatione loci Platonici cum iis quæ ex Plutarcho de lege Solonis adduximus §. 35. 36. Objicit enim huic Legi Plato, quasi permiserit Solon testamenta condere ad blanditias aliorum & assentationulas; & dum in verbis, mox sequentibus ea quæ excerptimus, jubet in Republica sua denuò liberos in testamento institui, in præcedentibus vero legem Solonis sententiæ de liberrima testamenti factione immiscet, verosimile est, eum etiam putasse, ac si Solon in lege suâ nec liberos exemisset.

§. XXXIX.

Depruden- Sed nec tamen ex altera parte lex ista statim *tia legum* dicanda, ac si prudenter lata fuerit, quod Solon ejus sit *Solonis va-* autor. Etsi enim à multis legislatio Solonis valde *ria judicia.* commendata fuerit, r) non desunt tamen rationes majoris ponderis, quæ, leges Solonis tantam commendationem haud fuisse meritas, majori jure persuadent iis, qui extræ partes sunt positi. s)

r) Meur

r) Meursius in Solone c. 23.

s) Anacharsis prædixerat Soloni, quod ejus propositum, quo cives suos ab injustitiâ & cupiditatibus per leges scriptas revocare volebat, tanquam regulis prudentiae adversum, bono eventu fit caritatum, *Plutarchus in Solone.* Et facile prævidere potuisset Solon, leges has utpote divitibus nimis faventes, non diu duraturas. Sensit etiam mox imprudentiam suam, cu[m] impar effet interpretationi legum propriarum ritè peragendæ, & idèò fugâ sibi confuleret, ut eos, qui explicationem legum aut emendationem ob earum iniquitatem peterent, evitaret. Neque prudentius erat consilium, quo prospicere Legibus suis volebat Solon, senatum adiungens ad juramentum, quod per 10. annos leges istas observare vellent. Imo ipse finem earum, & quod parum aptæ fuerint ad tyrannidem reprimendam, vidit. Etenim potius occasionem dederunt, ut populus maluerit tyrannidem unius ferre, quam diutius & quo animo sustinere tyrannidem divitum. *Vide loca autorum buc pertinentia apud Meursium in Solone c. 24. 25. 27.*

§. XXXIX.

Ergo sepositis autoritatibus consulamus, abs. *An utile sit que præjudicio, rationem rectam, utrum utilius t) sit jus testa-* Reipublicæ, si testamenti factio concedatur civibus, *menti faci-* utrum si hæredibus ab intestato solum bona relin- *endi in Re-* quantur. Cum vero testamentariam dispositionem *publicâ in-* (etsi abusivè) etiam pro donatione inter vivos in e- *trudere?* ventum tamen mortis, subinde usurpari notaverimus, non solum hic dispiciendum erit, an successio ab intestato præferenda testamentariæ, sed & an consultum fit, permittere civibus non quidem testamen- ta, sed saltem donationes in eventum mortis? u)

D 3

t) Non

- t) Non confundenda hæc disputatio cum superiore: utrum testamenti factio sit juris naturæ? Ibi enim quærebatur: an omnes homines etiam ante civitates constitutas haberent ex natura dominii jus testamenti faciendi; hic vero supponitur tale' jus à natura non ori, sed demum à principe esse introducendum ex peculiari utilitate reipublicæ. Magnum tamen momentum afferit ad præsentem quæstionem decisio istius prioris. Nam qui communiter statuunt testamenti factiōnem esse juris naturalis, illi etiam, si principiis inhārere volunt, defendere necesse habent, quod principes permittere debeant testamentificationem in rebus publicis, nisi monstrari posse peculiaris noxia intuitu hujus vel illius Reipublicæ ex permissione oriunda, quæ non facilè per alias leges præcaveri posse. Contra, qui testamentificationem à jure naturali vel gentium non deducunt, sed ejus ortum à jure civili derivant, ii quidem non mox negant, testamentificationem posse in republicâ introduci, si peculiaris reipublicæ utilitas id suadeat, interim talem utilitatem non facilè præsumunt, nisi ostendatur. Piores testamentificationem regulariter commendant: Postiores eam tanquam inutilem dissuadent. Piores putant, sibi non incumbere, ut probent utilitatem recipienda testamentificationis, quia satis ea præsumenda sit ideo, quod ex jure naturæ eadem deducatur, cum illa quæ juris naturæ sunt, sint communiter utilia. Postiores contrà persuasi sunt, sibi non incumbere probationem, quod testamenti factio non sit recipienda, sed satisfecisse se officio suo, si ostendant argumenta dissentientium suadentia non magni esse ponderis. Hæc ideo monenda fuerunt, ne mireris, si videoas, nos magis occupatos esse, ut respondeamus dissentientibus, quam ut probemus assertionem nostram.
- u) Sunt & hæc quæstiones diversæ, et si affines, & quarum una

una aliquo modo præjudicium facit in definitione alterius. Si enim testamentifactio in republica recepta est, etiam regulariter permissa erit donatio in eventum mortis: id est, si licebit disponere de rebus suis cum effectu post mortem, multo magis disponere licebit, inter vivos, in eventum tamen mortis. Sed non vice versa, si mortis causæ donationis, inter vivos tamen istud genus permisum est, etiam utile est permettere dispositiones per modum testamendi, effectum demum post mortem habituri.

§. XL.

Imo cum nonnunquam in Rebuspublicis alienationes inter vivos etiam tempore sanitatis, & non in casum mortis factæ, prohiberi aut valde limitari solet, quæstio erit: Utrum regulariter magis conveniat prudentiæ civili, si non liceat omnino bona acquisita alienare, sed necesse sit ea legitimis successoribus relinquere? utrum melius sit, eorum alienationem permittere sed inter vivos tamen, et si in eventum mortis? aut denique utrum utilius sit reipublicæ, si & libera alienatio inter vivos, & libera testamenti factio permittatur.

§. XLI.

Evidem dominii effectus naturalis x) est potestas alienandi, neque poterit facile respubica concipi, ubi omnes alienationes y) possint prohiberi. Sed uti tamen iste effectus naturalis alias ex variis rationibus in republica impediri non sine regulis prudentiæ solet, z) ita eo casu communiter distinguitur inter diversa bonorum genera, v. gr. ut in mobilibus vel acquisitis bonis alienatio concedatur, in immobilibus vero, aut hereditariis & paternis eadem sit interdicta. a)

x) Do-

- x) Dominii enim essentia proprietas est; proprietas vero est potestas utendi re pro lubitu cum exclusione alterius: potestas pro lubitu utendi infert etiam potestatem perdendi, alienandi &c.
- y) Potissimum rerum fungibilium, quæ abundant, & tamen servando servari nequeunt, item quarum usū valde indigent alii homines: e. gr. fructuum ex hortis & agris.
- z) vide Sandii tractatum de prohibita rerum alienatione, & exinde excerpta Huberi *in posit. ad Inst. tit. quibus alienare licet vel non.*
- a) Distinctiones hæc receptæ erant Hebræis, Lacedæmoniis, Veteribus Germanis, & hodienum intuitu bonorum feudalium nobilitati Germanicæ, intuitu allodialium Hamburgensibus & Lubecensibus &c.

§. XLII.

Nolumus eò procedere, ut dicamus, resplicas in quibus liberior rerum inter vivos alienatio permititur, sine adhibitâ illâ bonorum distinctione esse pejores illis, qui eas usurpant; id tamen asserere non veremur, resplicas, quæ per distinctiones illas aut similes potestatem alienandi limitant, esse [cæteris tamen paribus, & si à reliquis etiam prudentiæ regulis regimen non aberret] meliores & prudentiores prioribus. b)

b) Id intendo, et si videatur, si obiter rem adspicias, esse indifferens, utrum libertas alienandi sit laxior vel arctior, re tamen accuratius penitata secundum natum generis humani, laudabilius esse & communiter utilius, si non liceat pro lubitu res alienare.

§. XLIII.

Nam per istam prohibitam rerum alienationem magis conservatur æqualitas ciyium, c) ac sic a- liquo

*Negatur
questio.*

SUCCESSIONIS TESTAMENTARIE.

33

liquo modo impeditur noxia Reipublicæ distinctio horum in divites & pauperes, d) & hinc propullans aut saltem valde excitata cupiditas luxuriæ, violentiæ, fraudum, æmulationum e) &c.

c) Eam intendebat maximè Lycurgus prohibitâ sortis assignata alienatione: vide Plutarchum in Lycurgo. Conf. Platonem loco supra §. 37. citato: Intendebat eandem & Moses, unde & tempore Jubilæi omnes res immobiles alienata redibant ad Dominos pristinos. Eadem etiam ratio est veterum Germanorum. Tacitus cap. 26. *Agri pro numero cultorum ab universis per vices (aut potius vicos) occupantur, quos mox inter se secundum dignitatem partiuntur. Facilitatem partiendi camporum spatha prestant. Arva per annos mutant, & superest ager. Nec enim cum ubertate & amplitudine soli labore contendunt, ut poma conserant, & prata separarent, & portos rigent. Sol a terra seges imperatur.* Et cap. 5. Argentum & aurum probi areati Diit negaverint, dubito. &c. *Interiores simplicius & antiquius permutatione mercium utuntur:* &c. Argentum (proximi) magis quam aurum sequuntur, nulla affectione animi, sed quia numerus argenteorum facilior usui est, promiscua ac vilia mercantibus.

d) Ubi æqualitas possessionum, ibi nemo abundat, nem defictum patitur, sive multa habeant singuli, sive pauca, modo tamen sufficientia. Divites enim dicuntur, qui plus possident quam opus est; pauperes qui minus. Divites vero semper pauciores in republica quam pauperes. Ergo ubi nulli divites, ibi etiam nulli sunt pauperes. Ubi multi divites, ibi longe major miseria plurium pauperum.

e) Sine Cerere & Baccho friget Venus. Sine divitiis frigent Ceres & Bachus. Divites luxuriantes irritant etiam luxuriam pauperum. Æqualium porro nulla æmulatione, sed inæqualium. Ergo divitiæ etiam æmulatione.

DISP. JURID. DE ORIGINE

tionem pariunt: Æmulationem fraus & violentia preffo
pede sequuntur.

§. XLIV.

Quodsi exemplis magis delectaris, quam ratio-
nibus nudiſ: Præferenda Lycurgi respublica Laco-
nica, institutis Solonis; f) Germani præferendi Ro-
manis; g) omnibus istis Mosaica Respublīca, quæ De-
um ipsum autorem agnoscit, haud dubiè præferenda.
h) At & Ebræi, & Lacones, & Germani usurparunt
restrictam magis alienandi potestatem, quam libe-
ram.

f) Etsi comparationes omnes fint demonstratu difficultio-
res, cum nihil sit, quod non sua commoda habeat &
incommoda; Etsi etiam non diffiteamur, multa esse in
institutis Lycurgi maximè vituperanda de quibus vide
Celeberr. Belium in Diction. Critico sub Lycурго, præferen-
da tamen ea ex principiis prudentiæ civilis esse legi-
bus Solonis facile patebit conferenti utrasque, & le-
genti præter autores *supra ad §. 38.* citatos, Plutarchum
in comparatione Nume & Lycurgi, Xenophontem integris
tractatibus de Rep. Lacedemoniorum & Atheniensum, Ano-
nymum Gallum de Lacedamione antiqua & hodierna, Dn.
Præfid. de contentione morum cum jure scripto §. 37. Pra-
primis notandum, populum Lacedæmoniorum per-
500. annos, quamdiu secundum Leges Lycurgi vixe-
runt, glorioſe & beatè vixisse.

g) Ista quidem assertio valde videbitur paradoxa pleris-
que, qui tantum non ubique Romanos mortalium cor-
datisimos deprædicant, & quibus Germania antiqua
pariter ac moderna fordet. Sed alia longe erat mens
cordatisimi Romanorum Taciti, qui cum nullum ali-
um in finem librum de moribus Germanorum scrip-
serit, quam ut Germanos cum Romanis compararet, in
pluri-

SUCCESSIONIS TESTAMENTARIE.

plurimis locis expreſſe, in singulis ferè paginis tacitè
Germanorum mores & instituta præfert institutis Ro-
manorum.

h) Institutionem Reipublicæ, à Moſe iuſſu divino forma-
ta, fuisse sapientissimam non tantum cum Judæis cre-
dimus ob autoritatem scripturæ sacrae, sed & idem ex
principiis firmissimis prudentiæ civilis ad oculum mon-
strarri potest, partim considerando structuram ipsam in
ſe, partim comparando rem publicam Mosaicam cum
aliis Rebus publicis, quod latius ostendit Dn. Praſes *in*
lectionibus privatis de prudentia Legislatoriā c. 8. & 9. ac ſimul
refutavit objectiones Spinozæ, in *Tractatu Theologico-Po-
litico c. 17.* intendentis probare, quaſi ex intentione &
proposito Dei & propter ordinationem & structuram
Reipublicæ Judaicæ necessarias ob causas legibus ipſis
adſcribendas non potuerit diu durare, ſed fato magis
quam rationi imputari debeat, quod tamdiu duraverit.
*Adde Joseph. lib. 2. contra Appion. f. m. 860. seq. Fleurium de mo-
ribus Israelitarum; dottiſ. Jaquelotium de exiſtentia Dei diſſer-
t. cap. 7. 8. 9. 10.*

§. XLV.

Porro ſi utilius reipublicæ eſt limitare aliena-
tiones inter vivos, quam eorum libertatem civibus
indulgere, ſuā ſpontē ſequitur etiam, multo magis u-
tile eſſe reipublicæ, libertate majore alienandi inter
vivos confeſſa, non tamen concedere testamenti fa-
ctionem tanquam plane adverſam naturæ dominii ſibi
relietæ, niſi oſtendatur à diſſentientibus peculiariſ u-
tilitas, quæ legiſlatori ſuadere poſit hanc confeſſio-
nem.

§. XLVI.

Ergo videamus, quid hic afferri ſoleat commu-
niter ab eruditis & celeberrimis viris. *Gravissima di-
bus aliter cuntur statuenti-
um.*

cuntur fuisse rationes, ob quas successio testamentaria multis magis placuerit quam illa quæ morti propinquai bona sua ipsi inter heredes distribuebant. Scilicet improviso sepe fato homines obruuntur, aut à suis distrahuntur, ut supremam voluntatem exprimendi spatum & occasio non sit. i)

i.) Pufend. IV. 10. a.

§. XLVII.

Tolerarem hanc objectionem, s., qui eās futuntur, defendissent, testamentificationem ex jure naturæ & naturæ dominii fluere. Nunc, cum id recte nobiscum negent, ratio illa pro gravissima venditari non potest: Sæpè obruuntur homines improvisâ morte ut inter vivos distributionem inter heredes proximos non possint expedire, ergo inveniendus fuit modus naturæ dominii repugnans & heredes legitimos excludere valens.

§. XLVIII.

Unde facile ruit, quod sequitur: Conveniens fuisse judicatum, ut animo sereno atque integra per otium quis de rebus suis disponearet potius, quam cum extremis jam admotus trepidaret, aut vi morbi concussa mens langueret. Ut enim hæc dispositio animo integro & sereno etiam poterat fieri, cum quis morti vicinus distribueret bona, ita longè conveniens fuerat cum naturæ dominii & studio sapientiae ac virtutis, etiam si alter casus timeretur, dispositionem de rebus suis relinquere curæ legislatoris.

§. XLIX.

Subjicitur: quin & utilissimum erat, ut quis ad ultimum usque spiritum dominus rerum suarum maneret, ac nemini tale jus in illa concederet, quod non quovis tempore posset circa incommodum reverare, mutantibus se heredum me-

ritis, aut nostra inclinatione. Sirac. XXXIII. 20. Sed & ad hæc non difficulter responderetur.

§. L.

Utilitas illa fortè imaginaria est. Retineat saepe ad ultimum spiritum de bonis suis quæcumque quis velit. Quis enim cogit alienare? At inclinationi hominum sæpè varianti ita favere, ut contra naturam juris ei quid indulgeatur, id utile generi humano non est; dum inclinationes sæpè variantes stulti potius quam sapientis animi indicium sint, & indulgentia ista vitium hoc magis nutriat, quam extinguat.

§. LI.

Et quid si heres ille merita mutet post mortem tuam? Quid si tanta ejus merita non sint, ut putas, sed adulaciones, superstitiones persuasiones, heredipetationes? &c.

§. LII.

Ergo hæc meditatio potius nobis suppeditat in-
dicare veros fontes introductorum testamentorum. introductio
Ambitio inanis & avaritia eadem pepererunt. Voluntum testa-
ptati deditus de testamento ita non est sollicitus, ut mentorum
communi proverbio id apud Germanos ansam dede-
rit. Honestum & generosum honoris desiderium
laudis meritum non differt ad ultimum vitæ exitum,
sed honestis & liberalibus actionibus vivens suavi lau-
dabilem actionum odore fruitur. At avarus quam-
diu vitæ spem habet bona sua sibi conservare studet,
iisque heredipetas tanquam hamo allicit ad beneficia
exhibenda. Moribundus autem testamenti faciendi
cupidus est, partim ut heredes ab intestato debitâ suc-
cessione fraudet, partim ut post mortem testamento
suo laudes, quas vivus nullo beneficio meruit, captet.

Hi sunt, quorum inclinatio maximè varians est, & quorum gratiâ celeriter excidunt, qui eorum hereditatem jam pene devoraverant spe inani ac falaci.

§. LIII.

Sed & stolidè ambitiosus vindictæ causa testamētificationem desiderat, ut ob levissimas injurias aut denegata beneficia injuste petita heredes legitimos exheredet vel prætereat.

§. LIV.

*Non obser-
vati à Cice-
rone.* Quæ cum ita sint, quivis intelligit, Ciceronem non rectè penetrasse negotiorum humanorum origines, dum *testamenta ex affectione orta esse afferit*,^{l)} nisi per affectionem forte talem intelligit, quæ rectæ rationi est adversa.

1) Cicero *III. de finibus c. 20.*

§. LV.

Seneca. Quin & Seneca, diligentissimus aliàs naturæ humanæ, scrutator, moribus patriis deceptus valde erravit, dum testamenta gratitudinis aut beneficentiae causa fieri solere incautus pronunciavit. m)

m) Ita enim de benef. lib. 4. c. 11. *Quin & cum ipso vita in fine constitimus, cum testamentum ordinamus, non beneficia nobis nihil profutura dividimus?* Quantum temporis consumuntur, quamdiu secreto agitur, quantum & quibus demus? *Quid enim interest, quibus demus à nullis recepturi?* Atqui nunquam diligenter damus, nunquam magis judicia nostra torquemus, quam ubi remotis utilitatibus solum honestum ante oculos stetit: tamdiu officiorum mali judices, quamdiu illa depravat spes ac metus, ac inertissimum vitium, voluptas. *Ubi mors interclusit omnia, & ad ferendam sententiam incorruptum judicem* (id est, glossatore Lipsio, nos ipsos, sed ab

SUCCESSIONIS TESTAMENTARIE.

ab affectibus jam purgatos) misit, querimus dignissimos, quibus nostra tradamus: nec quicquam cura sanctiore componimus, quam quod ad nos non pertinet. Vere hoc ultimum, sed quod facile retorqueri potest. Quomodo enim sancta cura & judicium incorruptum esse potest, de eo disponens, quod ad nos non pertinet? Idem judican-
dam de altero ejus loco *ibid. c. 22.* Quid est, quod grati-
velimus esse cum morimur? Quare singulorum, perpendamus
officia? quare id agamus in omnem vitam nostram, memoria
decurrente, ne cuius officii videamur obliti? Nihil iam super-
est, quo spes porrigitur. In illo tamen cardine positi, abire è
rebus humanis quam gratissimi volumus.

§. LVI.

Non cogitavit profecto Seneca stultas sæpisime esse moribundorum cogitationes.ⁿ⁾ Non cogitavit legem Fusiam Caniniam. Alias non dixisset, quod incorruptum sit testatorum judicium, & omni spe de-
stitutum.

n) Pertinet huc elegans locus Franc. Baldini in protheo-
ria ad titulum *Inst. de testamentis ordinandis.* Quidam pa-
rum admodum testamentis esse tribuendum sensere, tum, quod
testator non tam de rebus suis, quem alienis, nuptiè post ejus
mortem ad alium pertinenteribus, sollicitus esse videatur: tum
quod sapè delirent animam agentes, nec sanum plerumque
eorum sit judicium, quos imminentis mortis terror percellit,
aut morbus divexat. Certe non latuit Justinianum, quid pa-
tententur homines ὑπὸ τῆς ἐν τῷ θαράτῳ ταραχῆς σενοχόη-
μενοι, ut ipse loquitur in *Novella 18.* Et vulgato proverbio
notata sunt agri somnia. Idque Platonem movit, ut libro un-
decimo de Legibus non probaret eos, qui tam curiose observant
nutus omnes morientum, & eorum voluntatem, que non raro
desistit solet ratione. Adde Paulum l. quidam in suo ff. de
condit. instit.

§. LVII.

§. LVII.

Neque te Loquimur autem de eo, quod plerumque fieri solet, talia enim spectanda esse in legibus ferendis, semel in non ea, quae semel aut bis fiunt, ex regulis prudentiae traductis u-civilis monuit Theophrastus. *a)* At ubi semel introducta est testamentifactio, nolumus nostram sententiam eò torqueri, acsi statuamus, omnes qui testamenta faciunt per avaritiam aut insanam ambitionem ad condenda ea fuisse impulsos. Jam enim suprà monitum est, lege naturæ non prohiberi testamenti factio[n]em. Talia vero, etsi vitiosum sit aut imprudens eorum initium, postquam semel introducta sunt, poterit & sapiens communes mores sequendo, sine nota stultitiae agere. *b)*

a) l. 6. ff. de LL.

b) Ita e. g. in se indifferens est, quo vesciendi genere homo utatur. Interim nullum est dubium variationes vestium plurimas oriri vel ex stultitia, vel ex superbia, vel ex aliis causis non laudabilibus. Ut igitur sapiens cavet, ne ex ejusmodi causis primus vel inter primos novo vesciendi modo utatur, ita eo semel communiter recepto, non solum licite uti potest, sed etiam absque notâ singularis stultitiae sub larvâ sapientiae se occulta re volentis, vetustiore sed non amplius recepto generare uti nequit. Unde simul patet ratio, cur sapiens ubi testamenta introducta sunt, non similiter teneatur testamenta facere, sed saltem facere posfit, & non possit, quia nimirum nusquam modus testandi est universaliter receptus, uti quandoque novus modus vesciendi,

§. LVIII.

Hinc facile removeri potest objectio, si quis forte nobis opponere velit, etiam sapientes viros & Philo-

losophorum Proceres testamenta condidisse *c)* adeoque non præsumendum esse, quod imprudens sit testamentorum inventio. Ut taceam, etiam Philosopher fuisse homines, nec commendanda esse eorum facta sine discrimine. *d)* Unde mererentur testamenta talia peculiarem dissertationem & commentationem. *e)*

c) Multorum testamenta refert Diogenes Laertius de virtute Philosophorum, Arcefilai, libro 4. Aristotelis, Theophrasti, Stratonis, Lyconis, libro 5. Epicuri libro 10. Occasione nobis ad hanc meditationem dedit inspectio, quamvis tardior dissertationis Dn. Cocceji de Testamento Principum Sect. I. & dissertationis Dn. Hertii, de Sociabilitate primo juris naturalis principio Sect. 3. §. 20. Non diffiteri autem possumus, nos valde gavisos esse, cum videremus, Illustrum Coccejum ibidem jam fusius demonstrasse primam dissertationis hujus assertionem, quod Testamentifactio nequaquam ex Jure naturæ oriatur, unde ex ista Sectione multa peti possunt, superius dicta illustrantia & confirmantia, item respondentia ad alias objectiones. Ita dum ibi §. 1. & 21. docetur, testamentum denotare negotium, quo testator solus & sine consensu heredis disponit, novum suppeditatur argumentum ostendendi, quod Grotius non recte definiverit testamentum: §. 9. & 10, confirmatur doctrina nostra, quod donatio mortis causa non sit vera species ultimæ voluntatis: §. 20. novum argumentum suppeditat, quod testamentum non habeat originem ex jure naturali, quia omnes modi, quibus unius factio acquirimus, sint ex jure civili, item §. 26. quod Testamenta meritis fictionibus absolvantur & sustineantur: §. 34. ostenditur, rationem Pufendorffii non quadrare, quod veteres soliti fuerint, suos juramento ad ultima manda observanda adstringere, quo ipso illustratur doctrina,

na, quam posuimus §. 26: §. 36. defenditur, quod negat testamētificationis origine ex jure naturæ, non corrūat successio ab intestato, quod idem ostendimus supra §. 13.

- d) Adde quod hi Philosophi post Solonem vixerint, & vel Athenienses fuerint, vel Athenis studiis operam dede-
rint, ac sic moribus Atheniensium fuerint imbuti. Quæ obseruatio ad id usum habet, si quis ex hisce testamen-
tis forte argumentari velit, quod Testamenta, si non
juris naturæ, tamen juris Gentium sint, & ab aliis et-
iam gentibus quam Atheniensibus usurpata.
- e) Sic Testamenta Julii Cæsaris, Augusti, & Tiberii singulis dissertationibus eruditè exposuit JCtus Belga Zacha-
rias Huberus. Præ his vero omnibus singularem & commendationem & commentationem meretur singulare plane & dissertationem hanc nostram valde illu-
strans testamentum Pithœi JCti, quod legitur initio no-
visimorum editionum Juris Canonici.

§. LIX.

*Testamentum iam rationes, f) quibus probari possit, testamētificationem non solum parum utilitatis afferre reipubli-
cæ noxiæ, g) sed & eidem esse valde noxiæ; puta quod det
occasione fraudibus, quod sæpè ægræ fiat pauperi-
bus, quod similitates ac odia alantur, & excitentur &c.*

- f) Non poterit melius hoc argumentum demonstrari, quam si expendantur progressus successioni testamen-
tariorum apud Romanos, & leges occasione testamētificationis subinde latæ, quod tamen argumentum aliis discutiendum relinquo. Interim thesin hic positam illustrabit discursus Dn. Hertii *ELEM. PRUDENT. CIVIL. PART. 2. SECT. 2. §. 53.* *Testamētum sæpè ægræ sit pauperibus, quando o-
pulenti frequentius coluntur donis, quam pauperes, & pauperem ipsi propinquæ odere, juxta verissimum Salomonis gnomem,*
Proverb.

*Proverb. XIV. 20. Porro, ubi nullus testamentorum est usus,
absunt orbitatis prævia, quod de Germanis Tacitus testatur, ta-
citè perspringens Romanos, apud quos ea erant effusissima. Ci-
cero paradox. 5. An eorum servitus dubia est, qui cupi-
ditate peculii nullam conditionem recusant duræ servi-
tutis? hereditatis spes quid iniquitatis inserviendo non
suscepit? quem nutum locupletis senis non observat?
loquitur ad voluptatem, quicquid denuntiatum est,
facit, assentatur, asfidet, munerat, miratur. Tales sci-
tè depingit Horatius 2. sat. 5. Plautus in milite act. 3. & in Cle-
rictis Hieron. ad Nepot. Postremo experientia docet, testamen-
tis incendi aliquæ odia ac similitates inter præteritos, institu-
tos, atque legatarios. Add. Piccart. & Meyer ad 5. Pol. 9. &c.
Et hæ causa aliæque valent maxime in oligarchiis & Democra-
tiis, quibus interitum ab illa immoda testandi licentia accer-
sum observavit Aristoteles II. Pol. 7. & 9. cui junge Bodinum
5. de Rep. 2. alia adducentem exempla. Quod Civitates in Ger-
mania libera, qua polycratico utuntur regimine, animadver-
terunt, usum testamētorum prudenter coarctantes. Adda-
tur de Danis c. 2. X. de consuetud. de Polonis Sprenger in per-
spicill. orb. Christ. p. 99. de Gelvis Fridericus à Sande descript. Gel-
rie. In regnis fator, hujus generis legibus non adeo esse
opus.*

- g) Dico Reipublicæ in genere, non distinguens an sit mon-
archia, an alterius formæ. Et ingenuæ fateor, me ra-
tionem non perspicere, cur eruditissimus Autor loci
modo excerpti hic differentiam faciat.

§. LX.

Unde non mirandum, quod apud Lacedæmonios, quamprimum libera testamētificatione fuit introdu-
cta, simul quoque magna civitatis conversio orta fu-
erit, si modo de facto distinctius constaret. b)

- b) Allegat equidem eam in rem Bodinus d. lib. 5. c. 2. p. 833.
factum Ephori cujusdam, apud Lacedæmonios, qui in

odium filii primogeniti, cui legitimam agri partem e-
ripere cuperet, legem testamentariam pertulerit, qua cui-
que omnia bona legare fuerit permisum. Sed Bodin-
nus ibi præter morem non laudat autorem, unde id
hauserit. Inveni tamen eam historiam apud Alex. ab
Alexandro *Gen. Dier. lib. 6. c. 10. p. m. 537.* qui Ephorum il-
lum Ephialtem nominat, sed tamen de eventu hujus le-
gis nihil memorat. Francisc. Balduinus *ad l. 26. XII. Tabb. f. m. 70.* hominem illum vocat Epitadem dicitque, po-
pulum ab eo initio fuisse deceptum, quod fraudem
non senserit, postea iniquam ejus intentione perspecta
legem fuisse antiquatam. Sed nec hic tamen fontes
hujus historiae ostendit, nec rem apud Lacedæmonios
esse gestam memorat, sed saltem Græcum vocat. Et si
Ephialtes id fecit, major suspicio, factum esse apud
Athenienses. Sanè enim memoratur Ephialtes qui le-
ges Solonis in Prytaneum & forum deduxerit. *vid. Meurs. in Solone cap. 24.*

§. LXI.

Romanorum testarum testamentificationem liberam Romanis concedente. i) Sive enim tum primum testamenti facti-
onem ex legibus Solonis transtulerint in Rempubli-
cam suam, *i)* sive saltem sub prætextu legis illius te-
stamentificationes antea receptas *m)* ad testamentum im-
propriæ dicta *n)* referendas extenderint, facile patebit
ex hac tenus dictis, quod ea concessio non deducenda
sit ex æquitate naturali, *o)* sed quod eam ex astutâ
quâdam & non laudandâ ratione status *p)* promulga-
verint, ut adeo non immerito inter leges acerbas, ni-
mis duras, & agrestes eam retulerit Alexander ab A-
lexandro. *q)*

i) l. 120. de V. S.

I) Con-

*I) Constat Romanos Leges XII. Tabularum potissimum
ab Atheniensibus petuisse, & legatos suos ut leges So-
lonis describerent, Athenas misisse *Livius lib. 3. Aurel.
Vit. de viris illustr. cap. 21. Augustinus de civitate Dei lib. 2.
cap. 16.* Attulerunt vero leges non solum ab Atheni-
ensibus sed & ex Græcis Italicae urbibus. *Dion. Halic. lib.
10. p. m. 648.* Igitur & communiter testamentifactio ab
Interpretibus Juris Romani ex Lege XII. Tabularum
derivatur, provocantibus iis *ad l. 120. de V. S.* certè an-
tiquioris originis non facientibus mentionem. Et ex
hâc ratione legem illam Decemviralem de testamentis
à Solone acceptam esse asserit Bodinus *de Rep. lib. 5. c. 2.
p. m. 833,* cum tamen ingens inter legem Solonis & le-
gem Decemviralem sit differentia, Solone testamenti-
factionem non concedente ei, qui liberos habebat, con-
tra Romanis etiam illis id indulgentibus, cujus ratio-
nen Francisc. Balduinus querit in patriâ potestate Roma-
norum *ad l. 26. XII. Tabb. f. m. 70.* Adde, quod Romani
non sic exceperint blandicias & fraudulentas perva-
siones. *vid. Dn. Presid. Dissert. de injusto jure Hereditaria-
rum.**

*m) Sunt qui ante legem XII. Tabularum recepta fuisse
Romanis testamento, quæ siebant in calatis comitiis,
& quæ in procinctu condebantur, statuant, & per le-
gem XII. Tabularum introductam esse testamentifacti-
onem per æs & libram. Huber. *Digress. lib. 4. c. 30. Rosinus
Antiquit. Rom. lib. 8. p. m. 1267.* imò Franciscus Balduinus *ad
l. 26. 12. Tabb. ab initio* securè asserit sed absque autore;
Romanos etiam testamentis scriptis usos esse ante le-
gem XII. Tabb. Sed res valde dubia, neque hic ex-
pedienda. Mirum, quod testamenti alicujus in calatis
comitiis facti ante legem XII. Tabul. aut saltem juris
faciendi, nullus historicus faciat mentionem. Et qui
talia asserunt, ad nullum autorem provocant, nec ra-
tionem*

DISP. JURID. DE ORIGINE

tionem quidem asserti dant, unde facile conjicitur, illam assertionem non aliunde provenire, quam quod sibi persuaserint, testamenta esse juris naturæ & Gentium uti de Hubero & Baldūino id constat. Rosinus quidem, dum docet, in lege XII. Tabularum, *ubi de testamentis agatur*, mentionem fieri libripendis, ad Gellium provocat *lib. 15. Noct. Att. c. 13.* sed Gellius ne verbulum quidem de testamentis. Interim non diffitendum, quod Plutarchus in Coriolano (Huberis & in digressionibus & in prælectionibus perperam Camillum Plutarchi citat,) diserte dicat, illo tempore testamenta in procinectu jam fuisse in usu, quod conjecturam suppeditat, etiam testamenta, quæ calatis comitiis siebant, in usu fuisse, & regulam quasi testamenti factionis fuisse, testamenta in procinectu autem obtinuisse instar exceptionis. Denique, si probatum sit, non esse verosimile, quod testamenta per æs & libram fuerint in usu ante Leges Decemvirales, verosimile etiam erit, hunc testandi modum per Decem viros esse introductum. Sed de his aliis viderit.

- n) Nam testamenta, quæ siebant calatis comitiis, non valabant ex voluntate testatoris, sed ex consensu & approbatione speciali populi, neque revocari poterant pro iubitu extra comitia.
- o) Deducunt ferè, qui testamenta in genere dicunt esse juris naturæ & Gentium.
- p) Non est à vero ab simile, si quis consideret, litigia procerum & plebis ante hanc legum lationem, quod hæc lex lata sit in fraudem plebis, & ut ei agrè fieret. Rem fuisse explicat Bodinus *d. l. p. 832.* qui tamen quædam miscet, quæ demum post leges XII. Tabb. Romæ gesta sunt, ad quæ pertinet quæ de Lege Semproniana memorat. Tacitus, *lib. 3. Annal. Ant. Augustinus de LL. & SCris sub hac lego.*
- q) Dier. gen. lib. 6. c. 10. in fine.

§. LXII.

SUCCESSIONIS TESTAMENTARIE.

§. LXII.

legitur non Iuri Naturæ & Gentium sed unico juri Romano originem debet, quæ hodie inter Gentes ^{Conclusio,} falsum esse Europæas obtinet, testamenti factio. Unde necesse, quod testator erit dediscere commune brocardicon, quod tantum non mentorum ubique in scholis inculcatur, favorabilem esse causam testamentorum, utpote, si natus crude, ut fieri solet, explicetur, & dictamini rectæ rationis, & etiam ipsis juris Romani principiis, antiquioribus certè, valde adversum. Sed ista quidem aliis fortè expediet. Mihi sufficiat ostendisse originem successionis testamentariorum, eamque à communi errore vindicasse.

§. LXIII.

Non tamen putabis, hanc doctrinam nostram stilem esse, & ad speculationes inanes pertinere. Cum enim ex communi errore ipse Justinianus multa in materia testamentorum contra civilis prudentiæ regulas innovaverit; cum sub illo pio prætextu juris naturalis Clerus Pontificius heredipetationes suas & favorem pseudo-piarum causarum palliaverit, ac totius Europæ divitias in maximum damnum utilitatis publicæ ad se rapuerit; cum pragmatici ex illâ falsâ hypothesi non solum textus juris confortè exposuerint, ac responsa in favorem heredipetarum dando & ipsi cum damno reipublicæ immensas divitias capraverint; cum sub isto pseudo-pio prætextu testamenti factiones Romanæ etiam Germaniæ se insinuaverint, & hujus juris mixtura cum Jure Canonico & moribus doctrinam de testamentis & eorum jure incertissimam reddiderit; cum illi, qui de testamentis Principum & controversiis inde oriundis agunt, ex isto errore multas conclusiones

siones in favorem heredum injustorum deducere soleant; cum denique ii, qui veritatem aliquo modo ex longinquo quasi vident, statim in alterum extremum labi conservent, & testamentorum abrogationem ac si testamenta juri naturae repugnant, svaudeant, &c. patet, materiae hujus maximum esse usum non solum in theoriâ juris, sed & in praxi.

F I N I S.

